

Cui aial p[i]ôre de dramaturgjie? Si clame cussì le conference-spetacul inmaneade dal laboratori di gnovis dramaturgjiis MateâriuM, in colaborazion cun Css e Arlef, par presentâ al public il risultât des ativitâts realizadis dentri dal progjet “Scuele furlane di scritture teatrâl”. La conference-spetacul, si tignirà ai 19 di Avrîl, aes 20.45 tal Teatri San Zorç a Udin, moderade di **Dario Paolo D’Antoni**, e animade des leturis dai atôrs **Paola Aiello**, **Daniele Fior** e **Nicoletta Oscuro** che a proponaran cualchi estrat des oparis realizadis dai students che a àn frecuentât la Scuele. A rindi il dut ancjemò plui vîf e legri a saran lis musichis di **Paolo Forte**.

Dilunc la serade a intervignaran ancje **Alessandro Di Pauli** e **Anna Gubiani**, dramaturcs, fondadôrs e animadôrs dal progjet, par spiegâ al public cemût che la Scuele furlane di scritture teatrâl e à lavorât dilunc chescj mès e come che al è nassût il manuâl di dramaturgjie “Cemût scrivi un test teatrâl”.

Il manuâl, editât de W. Meister & Co. Editori, al è stât pensât par ducj chei che a vuelin scuvierzi o aprofondi i segrets de scritture teatrâl, adun cui esemplis e i rimants a chei che a àn fat la storie dal teatri in Friûl e tal mont. La serade e je indreçade ai curiôs dal gnûf teatri furlan e ai teatrants, professioniscj e amatoriâi, che a puedin cjatâ gnûfs tescj



Alessandro Di Pauli e Anna Gubiani

Alessandro Di Pauli e **Anna Gubiani**, fondadôrs de Scuele di scritture teatrâl, lu presentin al teatri San Zorç di Udin.

Pront il manuâl di dramaturgjie

di meti in sene e gnûfs autôrs che cun lôr a puedin colaborâ.

IL PROGJET MATEARIUM

La Scuele furlane di scritture teatrâl e je un progjet di MateâriuM e de Associazion Culturâl “Servi di Scena”, realizât cul sostegn de Arlef e de Bcc dal Friûl Centrâl, in colaborazion cun Css Teatri stabil di inovazion dal Friûl Vignesie Julie, Atf, Fita, Uilt., Ert, Teatri Club Udin, Librarie W. Meister & Co, Bi-

blioteche Vuarneriane, Bcc Friûl Centrâl e Comun di San Denêl dal Friûl.

La serade e sarâ replicade ancje: sabide ai 23 di Avrîl, aes 18.30, li de Biblioteche Vuarneriane Antighe, Vie Rome 1, San Denêl dal Friûl e domenie ai 24 di Avrîl, aes 20.45, li de Aziende Agricole “Vineria Mont’Albano”, Vie Casali Jacob 2, Seorgnan. Par informazions: info@matearium.it.

✉ alessandro.digiusto@ifriuli.it

ilfriuli.it

Contribût de Provincie pe lenghe

UDIN. A son il spetacul “Gnôs furlanis” dai “Colonos”, il premi leterari San Simon 2016 di Codroip, la “Television in lenghe mari” di Video Telecarnia e ancje il mensîl “La Patrie dal Friûl” tra lis iniziative che a varan un contribût de bande de Provincie di Udin che e à aprovât il prin ripart di fonts pal 2016. Sedis i beneficiaris di chescj 20 mil euros di fonts propriis di belanç. “La Provincie di Udin – al coment

president Pietro Fontanini – e riten centrâl e prioritare la valorizazion de lenghe furlane e, in gjenerâl, des lenghis minoritariis che a son sul nestri teritori.

Chest impuartant e unic patrimoni al è ae fonde de specialitât de nestre regjon, un leam che al varès di jessi plui reclamât e fat valê par difindi i interes dal Friûl. I contribûts aes ativitâts dedicadis ae promozion

de marilenghe, de storie e de culture furlane deliberâts de Provincie, si metin in chest contest: valorizâ la nestre identitât stant che cheste e je il substrât de nestre autonomie”. Fontanini al anunzie un altri ripart in cors di an, “l’obietîf – al conclût – al è chel di stimolâ la promozion de nestre lenghe e de nestre culture, sostignint lis tantis iniziative disvilupadis sul teritori”.

AFIDAMENT DAL SERVIZO

Avîs de Arlef pal Sportel linguistic

La Arlef e à aprovât un Lavîs par cjarâ sù manifestazions di interes finalizadis al afidament dal servizi di “Sportel linguistic regionâl pe lenghe furlane”, par individuâ i operadôrs economics di invidâ ae successive, eventuale, procedure negoziade di apalt.

Tra lis ativitâts previodudis a son i servizis di traduzion e ancje di interpretariât dilunc des sentadis dal Consei regionâl; la gjestion dai rapuarts cui ufis des Amministrazions publichis dal teritori e, in particolâr, cun chês cence un sportel linguistic pal furlan; il supuart intes ativitâts di coordinament dai sportei linguistics pal furlan presents in dute la regjon; l’impegn tal inzornament des pagjinis web dal sît internet e dai social network de Arlef. A puedin manifestâ il propri interes ae procedure i operadôrs che a àn une esperience almancul cuincuenâl inte realizazion di servizis linguistics par furlan e di ativitât di promozion de lenghe furlane. La manifestazion di interes e varâ di rivâ ae ARLeF in maniere esclusive midiant PEC se direzion: arlef@certgov.fvg.it, dentri des 9 dai 26 di avrîl dal 2016. Par ogni altre informazion, si pues contatâ la dotore Tiziana De Caneva, tel. 0432555881, pueste elettronica: tiziana.decaneva@regione.fvg.it, o consultâ la pagine www.arlef.it/bants-garis-avis/2016.

SCOLTADIS DI DRIUS

Miôr lavorâ in doi

A l’è simpri miôr fâ un lavôr in doi. S’al ves di vignî mal fat tu pûs simpri dai le colpe a chel altri.

